



Na osnovu člana 24. stav (3) Zakona o državnoj službi u Federaciji („Službene novine Federacije BiH“, broj: 29/03, 23/04, 39/04, 54/04, 67/05, 8/06, 4/12, 99/15 i 9/17 - Presuda Ustavnog suda Federacije Bosne i Hercegovine broj: U-13/16), člana 1. Zakona o preuzimanju Zakona o državnoj službi u Federaciji Bosne i Hercegovine („Službene novine Srednjobosanskog kantona/Kantona Središnja Bosna“, broj: 7/11) i člana 5. Pravilnika o pravilima i postupku provođenja javnog konkursa i postavljenja državnih službenika u organima državne službe Federacije Bosne i Hercegovine („Službene novine Federacije BiH“, broj: 13/19), a na zahtjev Općine Vitez, Agencija za državnu službu Federacije Bosne i Hercegovine, *objavljuje*

## **JAVNI KONKURS za popunu radnih mjesta državnih službenika u Općini Vitez**

Radna mjesta:

- 01. Inspektor za urbanističko-građevinske poslove u Službi za opću upravu - 1 (jedan) izvršilac**
- 02. Viši stručni saradnik-finansijski knjigovođa u Službi za finansije - 1 (jedan) izvršilac**

**01. Opis poslova:** obavlja poslove inspeksijskog nadzora iz oblasti urbanizma i građenja za objekte za koje urbanističku saglasnost, odnosno odobrenje za građenje izdaje nadležna općinska služba za upravu, vrši poslove nadzora na ostvarivanju prostorno planskih dokumenata za područje Općine, vrši nadzor na provođenju propisa o zaštiti sredine na zaštićenim područjima i objektima, u provođenju inspeksijskog nadzora inspektor ima pravo i dužnost poduzimanja mjera na provođenju Federalnog i Kantonalnog zakona i propisa iz oblasti urbanizma i građenja, koji se odnose na otklanjanje nepravilnosti, obustavu građenja i uklanjanje građevina, vrši inspeksijski nadzor nad provođenjem Kantonalnog Zakona o održavanju zajedničkih dijelova zgrada i upravljanju zgradama po pitanjima koje su po prirodi poslova i u skladu sa drugim propisima spadaju u njegovu nadležnost, vrši inspeksijski nadzor nad provođenjem Odluke o kućnom redu u stambenim i stambeno-poslovnim zgradama na području općine Vitez po pitanjima koje su po prirodi poslova i u skladu sa drugim propisima spadaju u njegovu nadležnost, priprema izvještaje o stanju utvrđenom u postupku provođenja nadzora, predlaže mjere za unapređenje stanja u oblasti urbanizma, obavlja i druge poslove u skladu sa propisima i po nalogu rukovodioca Službe.

**02. Opis poslova:** vodi poslove računске obrade, kontiranja i knjiženja poslovnih promjena za općinu Vitez i Općinsko javno pravobranilaštvo (ulaznih računa, obračuna plaća, blagajne i drugih knjigovodstvenih isprava ); vrši knjiženje promjene na transakcijskim računima za općinu Vitez i Općinsko javno pravobranilaštvo; vrši

knjiženje osnovnih sredstava, zaključna knjiženja i izradu godišnjeg obračuna; prati zakonske propise iz oblasti računovodstva i finansija; vrši knjigovodstveno evidentiranje (knjiženje) potraživanja općine po osnovu: rješenja o naknadi za korištenje gradskog građevinskog zemljišta; rješenja za plaćanje komunalne naknade; potraživanja za date kredite, potraživanja po osnovu zakupa, potraživanja iz osnova ugovora o obročnom plaćanju rente, te usaglašavanja stanja sa komitentima; vrši knjiženje promjena na depozitnom računu javnih prihoda općine Vitez i transakcijskim računima za investicije, lokalne ceste i zaštitu od prirodnih nesreća; popunjava potrebne izvještaje vezano za promjene na depozitnom i transakcijskim računima; obavlja i druge poslove iz nadležnosti Službe po nalogu rukovodioca.

**Kandidati moraju ispunjavati opće uslove iz člana 25. Zakona o državnoj službi u Federaciji Bosne i Hercegovine:**

1. da je državljanin Bosne i Hercegovine,
2. da je stariji od 18 godina,
3. da ima univerzitetsku diplomu ili druge obrazovne ili akademske kvalifikacije najmanje VII stepena stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja, što se utvrđuje propisom kojim se uređuju poslovi osnovne djelatnosti i pomoćno tehnički poslovi i uslov za njihovo obavljanje u organima državne službe u Federaciji Bosne i Hercegovine,
4. da je zdravstveno sposoban/a za vršenje određenih poslova predviđenih za to radno mjesto,
5. da u posljednje tri godine od dana objavljivanja upražnjenog radnog mjesta lice nije otpušteno iz državne službe kao rezultat disciplinske mjere na bilo kojem nivou vlasti u Bosni i Hercegovini,
6. da nije obuhvaćeno odredbom člana IX.1. Ustava Bosne i Hercegovine.

**Pored općih uslova navedenih u javnom konkursu, kandidati moraju ispunjavati i sljedeće posebne uslove i to:**

**Radno mjesto 01:**

- VSS-VII stepen odnosno visoko obrazovanje prvog ciklusa koje se vrednuje sa 240ECTS bodova ili drugog ili trećeg ciklusa Bolonjskog sistema studiranja, završen fakultet građevinske ili arhitektonske struke,
- najmanje tri (3) godine radnog staža poslije diplomiranja, na poslovima svoje struke,
- položen stručni ispit u struci propisan članom 65. Zakona o građenju („Službene novine SBK/KSB“, broj 10/14) i članom 99. Zakona o prostornom uređenju („Službene novine SBK/KSB“, broj 11/14), **Napomena: Kandidati su dužni u prijavnom obrascu u rubrici „Ispit profesionalne nadogradnje“, u dijelu koji se odnosi na „Posebne ispite tražene javnim konkursom“, navesti broj, datum i izdavaoca uvjerenja o položenom stručnom ispitu u struci,**
- poznavanje rada na računaru.

**Radno mjesto 02:**

- VSS-VII stepen odnosno visoko obrazovanje prvog ciklusa koje se vrednuje sa 240ECTS bodova ili drugog ili trećeg ciklusa Bolonjskog sistema studiranja, završen fakultet ekonomske struke,
- najmanje dvije (2) godine radnog staža poslije diplomiranja, na poslovima svoje struke,
- poznavanje rada na računaru.

**Prijavlivanje-potrebni dokumenti:**

1. Kandidati se prijavljuju na javni konkurs dostavljanjem uredno popunjenog prijavnog obrasca Agencije za državnu službu Federacije BiH (može se preuzeti u prostorijama Agencije ili na web stranici Agencije <https://ekonkurs.adsfbih.gov.ba/>).
2. Kandidati koji nisu izuzeti od polaganja ispita općeg znanja dužni su uz prijavu na javni konkurs dostaviti dokaz o radnom stažu u struci nakon sticanja visoke stručne spreme, u skladu sa uslovima iz konkursa (original ili ovjerenu kopiju), na propisanom [Obrascu uvjerenja](#) (može se preuzeti u prostorijama Agencije ili na web stranici Agencije <https://ekonkurs.adsfbih.gov.ba/>).

**NAPOMENE ZA KANDIDATE:**

O datumu, vremenu i mjestu polaganja ispita općeg znanja i stručnog ispita kandidati će biti obaviješteni putem web stranice Agencije, <https://ekonkurs.adsfbih.gov.ba/>. Imena kandidata se ne objavljuju.

Ako kandidat ne pristupi polaganju ispita općeg znanja i/ili stručnog ispita smatrat će se da je odustao od dalje konkursne procedure.

Kandidate, koji polože stručni ispit (pismeni i intervju), Agencija će pisano obavijestiti o vremenu i načinu dostavljanja dokaza o ispunjavanju uslova javnog konkursa.

Ovjerena fotokopija diplome o završenom visokom obrazovanju na mjestu ovjere nadležnog organa mora sadržavati napomenu da izvornik, dakle diploma, sadrži suhi žig koji se na fotokopiji ne vidi. Ovjerene fotokopije diploma moraju sadržavati i potpise ovlaštenih lica. Sve ovjerene fotokopije diploma koje ne budu dostavljene na navedeni način bit će odbijene kao neuredne.

Agencija može u svakoj fazi konkursne procedure zatražiti od kandidata na uvid originale priloženih kopija dokumenata koji služe u svrhu dokazivanja ispunjavanja uslova javnog konkursa. Ukoliko pozvani kandidat ne postupi po zahtjevu Agencije za provjeru izvornosti dostavljenih ovjerenih fotokopija dokumenata, bit će isključen iz konkursne procedure.

Istovremeno s dostavom dokaza o ispunjavanju uslova javnog konkursa kandidat, koji polaže pravo na prioritarno zapošljavanje po osnovu posebnog zakona, dužan je dostaviti i odgovarajuće dokaze o svom statusu u skladu s propisom na koji se poziva.

Kandidati u javnom konkursu moraju ispunjavati uslove javnog konkursa s danom njegove objave u „Službenim novinama Federacije BiH”, neovisno od toga kada su dokazi dostavljeni.

Kandidat koji u bilo čemu ne postupi po navodima javnog konkursa bit će isključen iz konkursne procedure bez mogućnosti ponavljanja propuštene radnje.

Prijava, s potrebnim dokumentima, dostavlja se u roku od 15 dana, od objave javnog konkursa u „Službenim novinama Federacije BiH”, putem pošte, preporučeno na adresu:

**Agencija za državnu službu Federacije BiH  
Alipašina br. 6, 71 000 Sarajevo  
s naznakom:**

**“Javni konkurs za popunu radnih mjesta državnih službenika u Općini Vitez sa pozivom na broj: 04-30-8-2159/24“**

**DIREKTOR  
Refik Begić, magistar uprave**